

The Presbyterian Church of India
ZOU PRESBYTERIAN CHURCH SYNOD



SEPGUOL VAIGUON 2023

Thupi:
“Nang Guolzawna hi in”
(Siemchilbu 12:2).

To,

.....

.....



The Presbyterian Church of India ZOU PRESBYTERIAN CHURCH SYNOD

Regn. No. 198 of 2005 Under the Manipur Societies Registration Act. 1989 (Act. No. 1 of 1990)
Zomi Colony, Lamka, Manipur, India. Post Box-48, PIN - 795128

Website: www.zousynod.org | zpcs@rediffmail.com / zousynod@gmail.com

THUMAPUI

Pasian panpina toh leitung buoina, gal-le-sa kawmkal ah September tung tou ding i hita ua, tam tan chieng hing mapuitu i biech Pasian kung ah kipah thu i tut masa uhi.

Tu in 19th Synod Session thuphasah No. 40 leh 1st Synod Executive Committee R/No. 9 dated 21/12/2022 phasah bang in **“Nang guolzawlina hi in”** Siemchilbu 12:2 chi thupi zang a Sepguol Vaiguon bawl ding in Rev. P. Ginzalal guot ahi toh kituoh in ahun tah a tawi thei a i um ziehun Pasian min i phat ua, a hing buoipitu tung ah zong kipah thu i gen uhi.

Pasian in hing lungsiet in i galte un khatvei thu a tha chimit ding ahing sawm lai un, ahuntah in Pasian in a hing hundam a, Pasian hoina zal i zou uhi. Tuabang kawmkal ah tuni tan in hinna tamtah i taan ban uah liemnabaina tuoh tamtah um in innlelou luo theinawnlou zong i um ua, shileman tuohte i suun ban uah liemnabaina tuoh leh innlelou luo thei nawntaloute i dapi mama uhi. Bangteng hileh Biehinn kai thei leh kai theilou hitalei tam i Sepguol thupi uh zang a, thumna toh pan la chiet ding leh ichilenam ua ding a guolzawlina tuntut hi thei ding in i bawl theitawp uah thumna toh pang va ui. Pasian muong in Hattuumten Biehinn leh Innvena a i zah thei dandan ua September ha sung zang chiet a, Pasian maipha sui in thumna toh zang chiet ding in i kingen uhi.

Tualeh Vaiguon pen inntot ahiei Biehinn a man ding pen Localte lemtan dandan ahi ding hi.

Mangpa'n Hattuum misiengthoute hing vengbit in hing mapui chietta hen.

Rev. Dr. Hangpi Manlun
Sr. Executive Secretary
ZPCS

SEPGUOL VAIGUON-2023

Thupi: Nang guolzawlina hi in (Gen. 12:2).

September 01, 2023 (Septawpni)

Texts: (Philipi 4:19; II Kor. 9:8-10).

Puitu :
Sepguol vaiguon honna :
Thumkhawmna :
Tuohkhawm Lantu :
Hunpi :
Tawpna :

Thupi: Guolzawlina Bible in bang chin a gen ei?

Bible in guolzawlina a gendan khu Pasian silpieh Hagau leh tahsa a i phattuom na ding, i lungkimna ding a mimal ahiei, innkuon ahiei, i namsung ahiei in i tante khu ahi.

Guolzawlina chi khu, Ham hausa tah mai, thumal khat leh ni mai a gensieng thei hilou ahi. Alelam a thuguh leh loupitah a kiphuolgu a gingtute dinga Pasian hinna kitanpina lam, Vangneina lam leh punna lam genna in akilang, silhoi bawlsah, ahoi taphot kideisah, tahsa leh Hagau lam hinkhuo a guolzawlina genna lam zong ahi.

September 02, 2023 (Kiginni)

Texts: (Gen. 12:26; 12:1; Rome 8:15-16; Mathiu 6:33).

Puitu :
Hun Pantu :
Thumkhawmna :
Tuohkhawm Lantu :
Hunpi :
Tawpna :

Thupi: Guolzawlina hina ding:

Guolzawlina hina ding a Pasian in bawl ding a aphutte:

- * Kisiana dihtah toh Pasian bel ding, Ama thu mang ding, Na gam leh na tanaute leh na pa innsung a kipat pawt in.
- * Pasian ta ka hi chi theichet ding.
- * Pasian ta hina nei i hitahleh Bible a i mu bang a Pasian hatna muong a adihtatna sui ding ahi.

September 03, 2023 (Pasianni Sun)

Texts: (Gen. 13:9-13; Galatia 5:19-21).

Puitu	:	
Hun Pantu	:	
Thumkhawmna	:	
Tuohkhawm Lantu	:	
Hunpi	:	
Tawpna	:	

Thupi: Kikhenkhiet ngamna.

- * Guolzawlna tanna ding in kikhenkhiet ngamna poimaw hi. Abraham in a paneu tapa mi minthang Lot a kikhenkhietpi ngam hi. Tahsa dan a ngainat huoi leh kikhen theilou ding hinanleh uh guolzawlna hina dingin Abraham in Lot a kikhenkhietpi poimaw hi.
- * Tuama bangin eiten zong khovel toh kikhenkhiet ngamna dingte, Angkawmna, milim bieha, kimudana, thangsietna, huoihamna, deigawna khumbangte toh kikhenkhiet ngam ngai hi.

September 03, 2023 (Pasianni nitah)

Texts: (Pro. 19:22; Gen. 41:49).

Puitu	:	
Hun Pantu	:	
Thumkhawmna	:	
Tuohkhawm Lantu	:	
Hunpi	:	
Tawpna	:	

Thupi: Pasion guolzawlna lamdang:

Pasion guolzawlna khu a lamdanga, leitung a toh kibang lou ahi.

- * Pasion guolzawlna khu buoina umlou ahi.
- * Pasion apat kimu guolzawlna khu, eima maimai a ding hilou in, aluonglet, midang a ding, i melmate a ding tan a luonglet ahi.

September 04, 2023 (Seppatni)

Texts: (Eph. 4:32; Mark 11:25).

Puitu	:	
Hun Pantu	:	
Thumkhawmna	:	
Tuohkhawm Lantu	:	
Hunpi	:	
Tawpna	:	

Thupi: Ngaidamna hinkhuo nei ding:

“Ngaidam” chi umzie khu lai a kigiel itna zieh a thaimangsah china ahi. Mi tung a silhoilou i bawl chiengin kihou kia theina dingin a ngaidamna i ngen a, ngaidamna khu i chit zieh a i tan hilou in, koima ngaidam tah ki-um lou hi. Ngaidamna khu miin i tung ah sil bangchi in bawlkhiel nanleh tua a bawlkhielna pen chiemte sahlou china ahi.

September 05, 2023 (Sepkiani)

Texts: (I Peter 3:9; Gen. 3:3; Gen. 13:8-9).

Puitu	:	
Hun Pantu	:	
Thumkhawmna	:	
Tuohkhawm Lantu	:	
Hunpi	:	
Tawpna	:	

Thupi: Pasian guolzawlina daltu:

Pasian ta hingal a guolzawl ding a hat kihingal a, ahin adaltu in kipang kha zel hi. Azieh a hileh:

- * Pasian thu kingailou, mang zong kimanglou, etsahnan Adam leh Evi in Pasian thupieh zuilou uhi. Guolzawlina daltu mai hilou in kumtawn a dinga manthaina ahi.
- * Ahing nohsah zousie leh khelna eima a behdente hepkhietlou zieh ahi. Abraham zong Lot toh ahing kikhenkhiet in Pasian in guolzawl pan hi.

September 06, 2023 (Nilaini)*Texts: (Ezekial 22:30; Number 14:8-9; II Chro. 1:7-10).*

Puitu	:	
Hun Pantu	:	
Thumkhawmna	:	
Tuohkhawm Lantu	:	
Hunpi	:	
Tawpna	:	

Thupi: Gam leh Nam ding a guolzawltu hi ding.

- * Pasion in a deite deipi, Pasion in atundingte tundingpi ngam, Pasion deiloute deiloupi ngam, i gam sung a lamkai poimaw hi. Gam leh Nam it mi, Pasion it mi, Pasion mittunna, mite guolzawl na tuntu hi ding a chi hi.
- * Pilna ngen a Solomon thumna tuachin mipite masang a pawt leh lut a ka um theina ding in pilna leh theisiemna hing pie in chi hi.

September 07, 2023 (Ningani).*Texts: (Gen. 39:20; Gen. 45:1-5; Luk 9:23).*

Puitu	:	
Hun Pantu	:	
Thumkhawmna	:	
Tuohkhawm Lantu	:	
Hunpi	:	
Tawpna	:	

Thupi: Hahsatna khu guolzawl tuntu ahi.

- * Mihing hinkhuo ah nichin hunchin in hamsatna i tuoh uhi. Hinanleh hamsatna, lungkhamnate khu guolzawl na lampi ahi chi thei vai. Joseph Pasion zau mi leh siengthou tah mai khu Apu'n a api zuou ziehin suongkul ah a khumta hi.
- * Hinanleh Joseph khu a Unaute a ding in guolzawl tuntu ahidan, tuachin Goshen gam ah na teng ding ua, ka kung ah na um ding uhi. Nangma leh na tate, na Belamte na Bawng honte leh na nei zousie toh khunah keiman ka hing vah ding a, kiel na ding kum nga (5yrs) a um nalai ziehin a chi hi.

September 08, 2023 (Septawpni)

Texts: (*Gen. 12:4; I Samuel 15:22*).

Puitu	:	
Hun Pantu	:	
Thumkhawmna	:	
Tuohkhawm lantu	:	
Hunpi	:	
Tawpna	:	

Thupi: Midang a dia guolzawltu hina dingin thuman angai.

- * Abraham in ama gim leh tawl dingte leh lamkal tuikal ah bang tuohkha leng bang chi ding chi buoipilou in Pasian thu a mang a, a kipandoh a ma a nawtta hi.
- * Leng Saul in Pasian thupieh zuilou a amanlou ziehin aleng hina abeita hi. Pasian thupieh bang e? A gal Amelekte a tha chimit ding, numei naupang zong a khoilou ding, a gantate uh zong a tha bei ding chi hinapi in, Aman gan thauthaute ang kilah a, Pasian thu amanlou ziehin a leng hina a kilahsah a, atang in kumpi David leng in a pangta hi.

September 09, 2023 (Kiginni)

Texts: (*Exo. 17:8-12; Heb. 13:7*).

Puitu	:	
Hun Pantu	:	
Thumkhawmna	:	
Tuohkhawm Lantu	:	
Hunpi	:	
Tawpna	:	

Thupi: Midang a dinga guolzawl tuntu hina ding in Lamkaite panpi a ngai hi.

- * Amalek mite leh Israelte a kidou lai un Mosi in a khut adop sang sungteng gal a zou zel ua, a khut a kham a a kiehsuh chiengin gal a lel zel uhi. Tuachin lamkai Mosi khut ang kham chiengin a domsang zou nawnsih hi. Tua bep in Aron leh Hur in Mosi khut khatlang tuoh a dopsangsah ua, pan ang lah uleh Israelten gal a zou uhi chi Bible ah i mu uhi.

September 10, 2023 (Pasianni Sun) SYNOD DAY

Puitu	:	
Hun Pantu	:	
Thumkhawmna	:	
Tuohkhawm Lantu	:	
Hunpi	:	
Tawpna	:	

Thupi: Nang guolzawl na hi in (Gen. 12:2)

Tualeh nam thupitah in hing siem vang in, guol hing zawl vangin, na min suthupi vang, tualeh nang guolzawl na hi ding.

September 10, 2023 (Pasianni Nitah)

Text: (Ruth 1:14-17; II Samuel 9:1-9).

Puitu	:	
Hun Pantu	:	
Thumkhawmna	:	
Tuohkhawm lantu	:	
Hunpi	:	
Tawpna	:	

Thupi: Thuchiem a ginumna khu tuhdet a ngai hi.

- * Tuni tan a tanchin kigen leh kisim khu Ruth ahi. Ruth khu Api Naomi kung a ginum taha a um zom zel khu Ruth ahia, Api Naomi ding a guolzawl na ahidan midangte kung a tung in atawplam ah Pasion in zong Naomi a guolzawl hi chi Bible ah i mu uhi.
- * David in a lawmpa Jonathan toh a kichiemna uh a tuhdet zing zieh in, hun sawtpi nua in Jonathan tapa kengbai Mephiboseth khu David in apu leh pa gouteng apieh ban ah Amapa khu a leeng inn ah a umpi denta hi.

September 11, 2023 (Seppatni)

Texts: (Mathiu 7:24-27; Jacob 1:5).

Puitu :
 Hun Pantu :
 Thumkhawmna :
 Tuohkhawm Lantu :
 Hunpi :
 Tawpna :

Thupi: Pilna tungtang.

- * Mite Pasian thutah a akingat chiengin khovel ah hamsatnate, lungkhamnate, kipahnate leh sil dangdang in tunkhum nanleh a kingahna suongpi Pasian ahiziehin a thuohzou zel hi.
- * Ahin khenkhatte Pasian thutah leh ginna a akingah zoulou chiengin pilna atasam a hamsatnate aman a kisiemthu hi.

September 12, 2023 (Sepkiani)

Texts: (Phil. 1:29; Job 5:11).

Puitu :
 Hun Pantu :
 Thumkhawmna :
 Tuohkhawm Lantu :
 Hunpi :
 Tawpna :

Thupi: Midang te adia guolzawl hitheina dingin thuohhatna poimaw hi.

- * Mihing hinkhuo ah hamsatna zong ahing tung thei zing ahi chi theisiem kawmin, a maituo ding in kisakhoh zel lei kibawlkhiellou pen ding hi. e.g. Ahoi pen ding ngaituo inlen, asepen tuoh ding in kigingkhoh in ana chi hi. Hamsatnate tuoh ding a na kigingkhoh leh ahing tun chieng in zong na pang zou ding hi. Azieh Khrist i gintat guoh hilou in, ama vang a thuohna zong i thuoh ding uh ahi chi phal i hi uhi. Athuoh mite hampna in i sep uhi. Job thuohhat dan i za uhi. Atawplam ah Pasian in ale tamtahn guolzawl hi.

September 13, 2023 (Nilaini)*Texts; (Habakuk 3:17-18; I Thess. 5:16-18).*

Puitu	:	
Hun Pantu	:	
Thumkhawmna	:	
Tuohkhawm Lantu	:	
Hunpi	:	
Tawpna	:	

Thupi: Midangte a dia guolzawl hitheina dingin kipah dan thei ding.

Pasian in mihingte ang siem san khu Ama a kipahtu gen zing dinga ang siem ahi. Tahsa sil a i et chiengin i chi a dam a, sil bangkim ah i lawchin chiengin i lungsim a nuom in i kipah thei zel uhi. Amabou vangsietna leh tahsapnaten ahing phah chiengin gingtute kipahdan siem hiding hamsa a kisa thei chiet hi.

- * Jawlnei Habakuk in a hileh, “Theipi kung pah-sih henlen, grep guite ga-sih henlen, Olive sepgimna guohsuo in tualeh louten neh ding piengsahlou in bawngbuhte ah ganta um nawnsih na leh tuachin zong Mangpa ah ka kipah ding a, ka hundamna Pasian ah ka nuom nalai ding hi” a chi hi.

September 14, 2023 (Ningani)*Text: (Mt. 5:6; Luk 6:30-36).*

Puitu	:	
Hun Pantu	:	
Thumkhawmna	:	
Tuohkhawm Lantu	:	
Hunpi	:	
Tawpna	:	

Thupi: Midangte adia silhoi bawl ding.

Silhoi bawl thasie sih va ui, adieh in i hinpi mihingte tung a silhoi bawl ngeingei ding, azieh sil hoi bawl ding a ngansiete ihizieh un, tua silhoi bawl ding tupna toh i kipat a, silhoi silpha tampi ing sep thei hun chiengin mite dingin mihoi mipha kihithe i pan ahi. Lungsim hoi puo in nnahoi sem lei Mangpa a lungkim dinga, i innkuonpote leh midangten zong ahing kipahpi zaw ding uhi.

September 15, 2023 (Septawpni)*Texts: (I King 17:8-16; Isai 58:7-10).*

Puitu	:	
Hun Pantu	:	
Thumkhawmna	:	
Tuohkhawm Lantu	:	
Hunpi	:	
Tawpna	:	

Thupi: Midangte dia guolzawl tuntu hithei na dingin gilkiel dangtate panpi a ngai hi.

- * Jawlnei Eliza Zerapheth khuo a gilkiel leh dangtah a ang pei lai in Meithainu'n ann leh tui ana bawlsah a, tuaziehin a tang buong leh sathau bung a kiem theinawnsih hi, chi i mu hi. Tuaziehin gilkiel leh dangtahte kung ah ana ne in, na dawn in, chimai lou a practical ngai hi. Peter in ginna nasep tellou in ashi ana chi hi.
- * Na tanghou gilkielte kung a hawm in, saguoh a umte na mu chiengin puon silsah in, tuachin Mangpa thupina khu na kipahman ahing hita ding hi.

September 16, 2023 (Kiginni)*Texts: (I Tim. 2:1-4; Nasepte 12:4-19).*

Puitu	:	
Hun Pantu	:	
Thumkhawmna	:	
Tuohkhawm Lantu	:	
Hunpi	:	
Tawpna	:	

Thupi: Midangte adia thu nget pia mi hiding:

- * Pasian kung a thumna tawpsan hetlou in i thum zing ding uhi. Lai siengthou in midang a dia, deingetnate, thungetnate, thungetpiehnate leh kipahthu gennate mizousie a ding a bawl pieh ding in ka hing hanthawn hi a chi hi.
- * Tuachin Peter a mat tahun suongkul ah a khum ua, Galkap lili a kipawl li in a vengsah ua, peikan pawu zou chienga mipite kung a puidoh a sawm hi. Hinanleh ama a dingin Hattuumten Pasian kungah tawlngalou in thu a ngen uhi.

September 17, 2023 (Pasianni Sun)*Texts: (II King 5:1-19; Mt. 15L21-28).*

Puitu	:	
Hun Pantu	:	
Thumkhawmna	:	
Tuohkhawm Lantu	:	
Hunpi	:	
Tawpna	:	

Thupi: Deisah tah leh Hangsan tah a thu gen ngam angai hi:

‘Naman’ kichipa khu gal hangsan leh mipha ahia, Aman a galdouna ah a galte uh Israelte nungah nou khat ang kizawpi hi. Tua nungahnou in Api Naman ji dam va chi thu deisah tah leh hangsan tah in a gen hi. Hangsan a poimaw i china pen Amanu suoh ahia, a pi kunga thu vamawh gen thei hilou maithei ahi. Hinanleh apu dam ding a deisahna ziehin, Hangsan tah in a gen a, a gen bang in a pu Naman in zong ava bawl leh damna a nga hi chi mu thei in a um hi.

September 17, 2023 (Pasianni nitah)*Texts: (Luk 10: 30-37; Mt. 10:8).*

Puitu	:	
Hun Pantu	:	
Thumkhawmna	:	
Tuohkhawm Lantu	:	
Hunpi	:	
Tawpna	:	

Thupi: Midang adia guolzawl tuntu hina dingin damlou zen leh kep angai hi.

Mi koi ahiei khat Jerusalem a kipat in Jeriko ah apeisuh a, suomhatte a tuohkha a, ama un apuonte a hawhkhietpieh ua, a vawliem ua, Bupshi in a nuasie uhi. Don ding leh kem ding bei a umpa khu Samari mihoipan a kem a, Doctorte ensah in ama neisa a seng a, a sudam hi. Tua vuoh a um pa a dingin Samari mihoipa khu guolzawl na tuntu ahing hita hi.

September 18, 2023 (Seppatni)

Texts: (Jonah 3:1-10; Luk 19:3-10).

Puitu	:	
Hun Pantu	:	
Thumkhawmna	:	
Tuohkhawm Lantu	:	
Hunpi	:	
Tawpna	:	

Thupi: Silhoi lou bawlte apat kisie na in guolzawlina tun hi.

Gingtu Khristiante a ding a sil hoilou bawlte apat kisiana in eima leh midang a ding a guolzawlina tun hi. Jonah ziehin Nineveh miten guolzawlina a tang uhi. Tuachin Jonah ni khat peina chieng khopi sung ah alutta hi. Tualeh aman Nineveh khopi kisietna ding ni sawmli (40) maimai a um giapta hi chiin a kikou kawikawita hi.

- * Pasian in amaute a silbawl hoiloute uleh a umdan hoiloute ua kipat in a kisia ua, a lungheita uh chi a nasepte uh a mu a, Pasian in a tungua bawl ding a gensa sil hoilou apat a lungsim a hei a, abawl nawnsih hi.

September 19, 2023 (Sepkiani)

Texts: (Gen. 12:1; Isai 52:11).

Puitu	:	
Hun Pantu	:	
Thumkhawmna	:	
Tuohkhawm Lantu	:	
Hunpi	:	
Tawpna	:	

Thupi: Midang adia guolzawltu hina dingin nuasie angai hi.

Tuachin Pasian in Abraham kung ah Na kholam, nata na naute leh na pa innkuonte nuasie inlen gam kang etsah ding lam ah pei in a chi hi. Tuni in nang leh kei in i nuasie ding Abraham a toh akibanglou maithei, hinanleh midangte a dia guolzawltu i hi ding leh tam dinmun leh i hina toh kituoh bang zel in i nuasie ding a um ngei ding hi.

September 20, 2023 (Nilaini)*Texts: (Gen. 1:28; Pro. 12:10).*

Puitu	:	
Hun Pantu	:	
Thumkhawmna	:	
Tuohkhawm Lantu	:	
Hunpi	:	
Tawpna	:	

Thupi: Pasion siemsa ganhingte ittah a kep ding.

Ganta hinna ngaikhawh poimaw mama hi. Pasion siemsa, Ju leh Va ganhingte tung ah itna nei tah a kep ding ahi. Akhenten mi gan khat tung a lungsietna bei zen in satliem hi. I pi leh puten ganhing tung a hiemtatte hausa ngailou a chi uhi. Noah in zong ganhing chikim anu leh pa kop khat chiet bitnakuong sung ah khum hi. Pasion in tuipi a ngate tungah, tunga leng vate tungah leh leitung a vah ganhing chinteng tungah thu nei un a chi hi.

September 21, 2023 (Ningani)*Texts: (Johan 6:1-14; Pro. 22:6).*

Puitu	:	
Hun Pantu	:	
Thumkhawmna	:	
Tuohkhawm Lantu	:	
Hunpi	:	
Tawpna	:	

Thupi: Midangte adia guolzawl tuntu hina dingin tate ngaisah ngai.

Tami Bible changa i mu naupangpa khu bang zieh a hing kilang ahiei i chi maithei, azieh bang dang ahisih a, a nun a ta a ngaisah a, a pilvang a avale apotlena ah gilkiel leh dangtah va chi hisap in Tanghou leh nga a posah ahi maithei hi. Tami tungtawn in mipi tulnga val in vaatah leh taitah in a ne un a dawn uhi. Tamna naupangpa khu tua mipi tul ngate adia guolzawl na tuntu a hing suohta hi. Thupil in, “Naupang a peina ding lampi ah chil in a upat dongin zong tuate a kipat in a peimangsiah ding hi” chi hi.

September 22, 2023 (Septawpni)

Texts: (Gen. 12:1-4; Pro. 11:25).

Puitu	:	
Hun Pantu	:	
Thumkhawmna	:	
Tuohkhawm Lantu	:	
Hunpi	:	
Tawpna	:	

Thupi: Midang adin guolzawltu nahinai?

Pasianin Abraham a hat bang in nanglekei zong hing han hi, chi thei chiet lei, tam dinmun khu tunia nang leh kei dingin a poimaw mama khat ahi. Pasian in Abraham a hat lai in midangte adia guolzawlna hiding a ahat bangin, eite zong midangte a ding a guolzawlna hidingin hing han hi. Tuni in i Laisiengthou simna ah Abraham kichipen mun ah ei min chiet koi lei i lawching ding uhi.

September 23, 2023 (Kiginni) DISTRICT KISUHTUOHNA

Texts: (II Kor. 9:15; Ps. No. 116:12-14; Phil. 4:19).

Puitu	:	
Hun Pantu	:	
Thumkhawmna	:	
Tuohkhawm Lantu	:	
Hunpi	:	
Tawpna	:	

Thupi: Midang a dia guolzawltu hi dingin Pasian in ang guolzawl hi.

Mihing ten guolzawlna lam mu thei lou in, i vangsietna lam ngen tang muthei in, zong i gen thanuom se uhi. Silpieh gensengloute zieh in Pasian kung ah kipah thu um hen chizawh ding ahi. Pasian kung a i lungdamna khu i kam tenga i gen hun toh mai lou in, nasep leh silpieh lam a i kilatsah poimaw hi. Eima mai nopsahna dingin Pasian in sum leh pai ang pesih a, i tenna khovel sunuom dingin guolzawlman ang vua zaw ahi. I sil neite tung a hamuong den dingin Pasian in sil ang pesih hi. Midangte ding a guolzawlna i hi theina dingin guol ang zawl ahizaw hi. Ka Pasian in a hausatna thupi dungzui in Khrist Jesu ah na tahsap zousie uh a hing pe ding hi.

September 24, 2023 (Pasianni Sun) DISTRICT KISUHTUONA**Texts: (Ps. No. 127:3; Gen. 6:8).**

Puitu	:	
Hun Pantu	:	
Thumkhawmna	:	
Tuohkhawm Lantu	:	
Hunpi	:	
Tawpna	:	

Thupi: Innsung a dingin nang guolzawl tu hi in.

- * Mihingte khu kimanpha mama hi, piengsuol hinanlei zong i ki-it mama uhi. Azieh Pasion khutsuoh ihizieh uh ahi. Innsung mite kipahsah ding, innsung a pa pen in silhoi silpha ang puohkhiet chieng in innsung mite kipah tahin a um uhi, tua khu innsung a dingin guolzawl na chi khat ahi.
- * Hinanleh Pasion thu lam ah kipui huoina leh khantouna ding poimaw hi. Noah in a tapate, a ji leh a tapa jite bitna dingin kuong sung a a lutpi bangin eiten zong i innkuon pite hundamna huong sung a puilut i sawm ding uhi.

September 24, 2023 (Pasianni Nitah) DISTRICT KISUHTUONA**Texts: (Mark 16:15-16; Isai 61:1).**

Puitu	:	
Hun Pantu	:	
Thumkhawmna	:	
Tuohkhawm Lantu	:	
Hunpi	:	
Tawpna	:	

Thupi: Khantan hoi thu puonzah ding.

Mihingten Pasion dan i bawlsiet zieh un, hundam ngai in i na umta uhi. Pasion in a tapa Jesu Khrist zang in hundamna a hing bawlsah a, tua khu Khantanhoi ahi. D.L. Moody in, ka sil theite lah a Khantanhoi khu amanpha pen a, tuaziehin ka sil theite lah a manpha pen khu ka genlou theisih hi a chi hi. Khovel ah sil manpha tahtah tampi a um a, hinanleh tangtawn dai ding khat zong a um sih hi. Tuhun a ding mai zong hilou Vangam tanpha a ding sil manpha pen khu Khantanhoi ahi.

R E C O R D

Date	Amun	Kikhawm Zat	Tuohkhawm
1			
2			
3			
4			
5			
6			
7			
8			
9			
10			
11			
12			
13			
14			
15			
16			
17			
18			
19			
20			
21			
22			
23			
24			
25			
26			
27			
28			
29			
30			
	Total		

SEPTEMBER 2023

Nipini	Seppatni	Sepkiani	Nilaini	Ningani	Septawpni	Kiginni
					01	02
03	04	05	06	07	08	09
10	11	12	13	14	15	16
17	18	19	20	21	22	23
24	25	26	27	28	29	30

Sepguol 2023 | 2500 Copies